



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_310

Տուգանք նշանակելու մասին

23.08.2023թ.

ք. Երևան

Քննելով տեսչական մարմնի կողմից 2023թ. մայիսի 23-ի N 339-Ա հրամանով

«ԱՐՄԵՆ ՀԱԿՈԲՅԱՆ ԱՐԹՈՒՐԻ» Ա/Ձ-ում /ՀՎՀՀ՝ 26607117/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 339-Ա կազմված 27.07.2023թ., խախտումների մասին 04.07.2023թ. արձանագրությունը և այլ նյութերը), որոնցով բացահայտվել է, որ Ա/Ձ-ն ք. Երևան, Տ. Պետրոսյան 25/5, Կոմիտաս 60/2, Ռուբինյանց 15/5 հասցեներում իրականացնում է ծխախոտային արտադրանքի մանրածախ վաճառք:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Ծխախոտային արտադրատեսակների, դրանց պատկանելիքների, ծխախոտային արտադրատեսակների փոխարիչների և ծխախոտային նմանակների ստուգման վերաբերյալ» ստուգաթերթի հիման վրա:

Ստուգման ընթացքում պարզվել է, որ ծխախոտային արտադրատեսակները, դրանց պատկանելիքները, ծխախոտային արտադրատեսակների փոխարիչները և ծխախոտային նմանակները վաճառվում են հրապարակային ցուցադրմամբ, որպեսզի զանցանքը նախատեսված է ՎԻՎ օրենսգրքի 173¹-րդ հոդվածի 9-րդ մասի 2-րդ պարբերությամբ, քանի որ հանձնայն 17.05.2023թ. թին 152 որոշման Արմեն Արթուրի Հակոբյանը ՎԻՎ օրենսգրքի 173¹-րդ հոդվածի 9-րդ մասի 1-ին պարբերությամբ 230 000 /երկու հարյուր երեսուն հազար/ ՀՀ դրամի չափով ենթարկվել է վարչական պատասխանատվության:

Փաստացի խախտվել է «Ծխախոտային արտադրատեսակների և դրանց փոխարիչների օգտագործման հետևանքով առողջությանը հասցնող վնասի նվազեցմա և կանխարգելման մասին» Հայաստանի Հանրապետության օրենքի 5-րդ հոդվածի 6-րդ մասի 2-րդ կետի պահանջը:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում «ԱՐՄԵՆ ՀԱԿՈԲՅԱՆ ԱՐԹՈՒՐԻ» Ա/Ձ -ի տնօրեն՝

Արմեն Արթուրի Հակոբյանը
իրավախախտողի անունը, ազգանունը, պաշտոնը
ՀՀ ք. Երևան, Քանաքեռ 6-րդ փ., 64 տուն
մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը»:

Ղեկավարվելով սույն հոդվածի պահանջներով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 23.08.2023թ.-ին ժամը 11:00-ին կայանալիք վարչական գործի քննությանը, այն է Տեսչական մարմնի կողմից ապահովվել է նրա լսված լինելու իրավունքը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու Արմեն Արթուրի Հակոբյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 173¹-րդ հոդվածի 9-րդ մասի 2-րդ պարբերությամբ

մախատեսված պատասխանատվության միջոցը, սահմանել տուգանք 460 000 / չորս հարյուր վաթսուն հազար/ ՀՀ դրամի չափով:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈԼՅԱՆ